



# HOËRSKOOI BONNIEVALE

## NUUSBRIEF

*Doen altyd 'n klein bietjie meer as wat van jou verwag word*

6 Maart 2026

**NUUSBRIEF 8/2026**

### Geagte ouers, leerders en Bonnievalers

- Laerskoolatletiek: Luan du Toit** (Gr. 7) neem hierdie naweek deel aan die Wes-Kaapkampioenskappe. Hy het drie medaljes ontvang by die Bolandbyeenkoms en neem dus mōre aan hierdie drie items deel - 100m, 200m en verspring. Ons wens hom baie sterkte toe! Ons is ongelooflik trots op hom wat ons skool daar gaan verteenwoordig. Sterkte, Luan! Ons beste wense vergesel jou.
- Hoërskoolatletiek:** Verlede naweek het 11 van ons atlete deelgeneem aan die Boland Kampioenskappe in die Paarl. Ten spyte van sterk kompetisie het ons atlete goed gevaar en ook goeie ondervinding opgedoen. Baie geluk aan elkeen van julle! Ons atlete wat die beste gevaar het, was: **Kyle Kuhn** (5de in VS), **McLeighen Thieras** (4de in 800m), **Owaziyo Makhutshi** (3de in DG) en **Ronwin Matjan** (1ste in 110mH). Owaziyo en Ronwin is opgeneem in die Bolandspan wat op 13 en 14 Maart in Stellenbosch deelneem aan die Wes-Kaap Kampioenskappe. Baie geluk, en sterkte met die volgende kompetisie. Ons is trots op al ons atlete!
- Akademie:** Ons leerders is druk besig met assesserings van hierdie kwartaal. Ouers moet asb. ondersteun en aanmoedig en seker maak u kind spandeer genoeg tyd agter sy/haar boeke. Elke punt tel vir die jaarpunt en maak saak. Doen eerder nou 'n bietjie meer, en offer op, sodat jy tevrede kan wees met die resultate. "When you choose the behaviour, you choose the consequences"!
- Swem:** Die HSB Laerskool Swemgala vind **13 Maart** om **14:00** plaas. Ons het 240 swemmers wat by die HSB swemgala gaan swem. Kom maak 'n draai by die swembad en kom ondersteun die swemmers. Baie dankie aan Bonnie-ouers wat ook inspring om as beamptes diens te doen. Ons waardeer julle!
- Swimathon:** Ondersteun asseblief ons Swimathon wat op **23 Maart** plaasvind! Daar is heerlike pryse en gelukkige trekkings te wen. Pryse vir swemmers sluit in kontantpryse, Outdoor geskenkbewyse en data vouchers. Die persone wat swemmers borg kan 'n Bonnievale slaghuis geskenkbewys, 'n vark of 'n Springbok wen (wenner is self verantwoordelik vir die slag en verwerkingskoste van dier). **Borg 'n swemmer en staan 'n kans om te wen!**
- Laerskool rugby en netbal:** Rugby- en netbal ligabepalings is steeds nog nie ontvang nie. Sodra daar datums gegee word sal ons datums so gou as moontlik vasmaak en aan die ouers kommunikeer. Datums word deur Noord-Boland bepaal.



[hsbonnievale.co.za](http://hsbonnievale.co.za)

023 616 2160

060 546 5247

admin@hsbonnievale.co.za

hsbonnievale

hsb\_bonnievale



**7. Klub 100:** Klub 100 is 'n organisasie wat geld insamel vir spesiale projekte by HSB, bv. dinge wat ons by die skool wil doen of koop, maar waarvoor normale skoolgeld nie gebruik kan word nie. Die klub bestaan uit mense van Bonnievale van alle ouderdomme, agtergronde en besighede wat een doel het: om HSB te ondersteun en te bevorder. Dit kos **R450.00 per jaar** per persoon of paartjie, wat vooraf betaalbaar is. Daarvoor kry jy dan 4 x funksies, een per kwartaal. Die funksies sluit kos en van die drankies in. Tydens die funksies is daar 'n gelukkige trekking waar jy wyn of groot kontantpryse kan wen. Dit is sommer 'n klomp mense van die breër gemeenskap wat lekker saam kuier en waar ons terugvoer gee van wat alles by HSB gebeur het, nog gaan gebeur en waar ons lekker spog met ons leerders se prestasies t.o.v. akademie, kultuur en op die sportgebied. Ons eerste funksie vir die jaar is **24 Maart** om 18:30 by die Rolbalklub. **Indien u belangstel om aan te sluit, kontak asb vir Lize de Wet by HSB se kantoor.**

**8. Skoolgeld 2026 – Baie dankie aan elke ouer wat gereeld skoolfonds betaal.** Dit sorg vir effektiewe skoolbestuur en gee ons leerders toegang tot geleenthede wat nie oral beskikbaar is nie. Die SBL het 'n ontleding gedoen van die skoolfonds wat ontvang is in Januarie en Februarie en ons wil die **Graad 1, Graad 3 en Graad 4 klasse gelukwens!** Hierdie klasse het die hoogste % skoolfondsbetalende ouers in die skool. Ons dink nog aan kreatiewe maniere hoe om hierdie klasse te beloon. Daar is egter 'n groot aantal ouers wat nie aansoek gedoen het vir kwytskelding nie, maar ook nog geen betaling gemaak het in Januarie of Februarie nie. Dit is kommerwekkend en hierdie situasie geniet nou die Beheerliggaam se volle aandag. Die Finansiële komitee wil hierdie ouers nog een week kans gee (tot 13 Maart) om kontak te maak met die Finansiële kantoor om 1. Aansoek te doen vir kwytskelding, of 2. Om die skoolfonds vir Februarie en Maart te betaal. Na volgende Vrydag (13 Maart), gaan daar begin word met onderhoude met ouers en die aanvanklike fokus gaan wees op ouers van leerders in Grade 2, 8 en 12. Alle ouers wat nie kwalifiseer vir kwytskelding nie, het 'n statutêre verpligting om skoolfonds te betaal en dit plaas druk op almal indien dit nie gebeur nie. **Ons maak staat op u samewerking.**

**9. Aktiwiteite:** Die volgende datums is belangrik:

Sa. 7 Mrt.	Mini-krieket te Koue-Bokkeveld
Di. 10 Mrt	2027 Inskrywings vir gr.1 open
Vr. 13 Mrt	HSB Swemgala
Sa. 14 Mrt	HSB Mini-gholfdag
Ma. 16 Mrt	Juf. Belinda Oosthuizen verjaar
Wo. 18 Mrt	LS Redenaars by Klubhuis
Do. 19 Mrt	HS Redenaars by Klubhuis
Vr. 20 Mrt	Tweekamp te Oudtshoorn (SA Kampioenskappe)
Sa. 21 Mrt	Tweekamp te Oudtshoorn (SA Kampioenskappe)
Ma. 23 Mrt	HSB Swimathon
Di. 24 Mrt	Klub 100 funksie
Do. 26 Mrt	Juf. Tanya van Heerden verjaar
Vr. 27 Mrt	Skole sluit

Vriendelike groete vanuit die kantoor.



P. Brink  
Waarnemende Skoolhoof

**“Aksie is die sleutel tot alle sukses”**  
**Pablo Picasso**

**Op 'n Hœ noot!**

*Datum: 9 Mei 2026*  
*Tyd: 19:00*  
*Plek: NG Kerksaal, Bonnievale*


*Plaaslike- en gaskunstenaars, o.a.:*  
*Teresa de Wit - mezzosopraan*  
*Bennie van Eeden - pianis*  
*André Serfontein - pianis/tenoor*



**Desiree Wentzel vier 60 jaar in die onderwys**

**Kaartjies & besprekings:**  
**Aletta Els 082 493 2962**  
**R50 - onbespreekte plekke**  
**R100 en R150 bespreekte plekke**

BEKENDSTELLING VAN



*U is hartlik uitgenooi na ons bekendstelling.*

 **14 Maart 2026**  
09h30 – 12h00

 **Excelsior Wynlandgoed**

 **Gaspreker**  
**Annaleen Cilliers**  
Arbeidsterapeut

 **Koste: R100 per persoon**  
(sluit koffie & verversings in)  
Toesig vir kinders beskikbaar op versoek

 **RSVP Grytjie Screuder**  
082 668 7555

*Saam bou ons 'n blink toekoms.*

**GEBORG DEUR:**





Hier is iets in die water by HSB Sportgronde!  
 Kom en wees deel van die...

**SWIMATHON**



*Bonnies*

**23 MAART 2026**  
13:00 – 18:00

Alle fondse gaan vir die verhitting van die swembad.

**BESPREEK JOU BAAN NOU:**  
 Sané Nel  
 076 810 0959